

Evening Dogri News Bulletin, 14 May 2024

इवनिंग डोगरी न्यूज़ बुलेटिन

समे-18:15 Hrs

Headlines

- 1 लोकसभा चुनावें दे 7में ते खीरले मरहले लेई नामांकन करने दा समां अज्ज संझा खत्म गेआ।
- 2 बीजेपी दे सीनियर नेता ते प्रधानमंत्री नरेंद्र मोदी होरें अज्ज वाराणसी थमां अपना नामांकन भरेया।
- 3 अमित शाह होरें आखेआ जे जम्मू-कश्मीर च कल होए दे मतदान दा फीसद दफा 370 हटाए जाने दा नतीजा ऐ।
- 4 भारत दी सरोखड़ साहित्यक ते सांस्कृतिक विरासत गी युनेस्को दे विश्व एशिया प्रशांत खेत्तरी अनुस्मरण रजिस्टर च शामिल कीता गेआ ऐ।

<><><><><><>

7th Phase Nomination

लोकसभा चुनावें दे 7में ते खीरले मरहले लेई नामांकन भरने दा अज्ज खीरी ध्याड़ा हा। 7एं राज्यें ते इक्क केंद्र शासित प्रदेश दी 57एं लोकसभा सीटें उप्पर इस गेड़ च मतदान होग। इंदे च 13-13 सीटां उत्तर प्रदेश ते पंजाब दियां, 1 पच्छिम बंगाल दी, 8 सीटां बिहार दियां, 6 ओडिशा दियां, 4 हिमाचल प्रदेश, त्रै झारखंड ते इक सीट केंद्र शासित प्रदेश चंडीगढ़ दी शामिल ऐ। कागजें पत्तरें दी जांच पड़ताल कल होग ते शुक्रवार नामांकन वापस लैने दा खीरी ध्याड़ा होग। इस गेड़ लेई मतदान पैहली जून गी होग।

<><><><><><>

PM-Nomination

बीजेपी दे लीडर ते प्रधानमंत्री नरेंद्र मोदी होरें अज्ज वाराणसी चुनावें हल्के थमां अपना नामांकन भरेया। इत्थे 7में ते खीरले मरहले च मतदान होग, अज्ज नामांकन भरने दा खीरी ध्याड़ा हा। कागज पत्तर भरने थमां पैहले मोदी होरें गंगा च चलोब्वी लाई ते फही काल भैरव मदरें च मत्था टेकियै शीरवाद लैत्ता, जिनेंगी काशी दा कोतवाल आखेआ जंदा ऐ। इस मौके उंदे कन्नै सैहयोगी दलें दे केई नेता ते गठबंधन साथी मजूद हे जिंदे च चंद्र बाबू नायडू, एकनाथ शिंदे, जतिन राम मांझी, संजय निशाद ते रामदास अठावले वगैरा शामिल हे। बीजेपी दे नेताएं च राष्ट्री अध्यक्ष जे.पी.नड्डा, रक्षा मंत्री राजनाथ सिंह ते हरदीप सिंह पुरी होर बी उन्दे कन्नै हे। उंदे नां दी चऊ प्रस्तावकें, प्रस्तावना कीती जिंदे च पंडित ग्यानेश्वर शास्त्री, बैजनाथ पटेल, लाल चंद खुशवाहा ते संजय सोनकर शामिल हे। कांग्रेस दे अजय राय जेहडे आई.एन.डी.आई. गठबंधन दे सांझे मेदवार न ओहू मोदी हुंदे खलाफ चुनावें मैदान च ना। राय होर यू.पी कांग्रेस दे अध्यक्ष न, उनेंगी 2014 ते 2019 च बी मोदी हुंदे खलाफ वाराणसी थमां मैदान च तुआरेया गेआ हा पर ओहू दौनें बारी त्री थाहरा उप्पर रेह हे। 2019 च प्रधानमंत्री मोदी होरें समाजवादी पार्टी दी मेदवार शालिनी यादव गी 4 लक्ख 79 जहार वोटें कन्नै हराया हा।

<><><><><><>

Shah

केंद्रीय गृह मंत्री अमित शाह होरें अज्ज आखेआ ऐ जे नरेंद्र मोदी हुंदी सरकार दे जम्मू-कश्मीर थमां दफा 370 हटाने दे फैसले मगरा जम्मू-कश्मीर च लोकें दा लोकतंत्र उप्पर भरोसा बधेया ऐ जेदा नतीजा इस बारी लोकसभा चुनावें च उन्दे आस्सेआ बधी-चढियै हिस्सा लैना दस्सदा ऐ। कल लोकसभा चुनावें दे चौथे गेड़ च 38 फीसदी मतदान दर्ज कीता गेआ हा जेदे पछौक्कड़ च गृह मंत्री होरें एहू बयान दित्ता। 2019 बरे दे लोकसभा चुनावें च 14 इशारिया 43 फीसद, 2014 बरे च 25 अशारिया 5-5 फीसद, 2009 बरे ते 18 अशारिया 5-7 फीसद मतदान होआ हा। शाह होरें आखेआ जे इस बारी दे चुनावें च पैहले थमां बड़ा मता मतदान दर्ज कीता गेआ ऐ जेड़ा जम्मू-कश्मीर दे लोकें आस्सेया लोकतंत्र च उंदा भरोसा दर्शांदा ऐ ते 370 गी हटाने दे फैसले दा विरोध करने आहलें गी बनकदा परता दिंदा ऐ।

<><><><><><>

Intruder

जम्मू जिले दी नियंत्रण रेखा दे कोल इक्क ग्रांस थमां कल इक पाकिस्तानी घुसपैठिये गी गिरफ्तार कीता गेआ ऐ। आकाशवाणी जम्मू दे संवाददाता दी रिपोर्ट मुजब इक्क पाकिस्तानी घुसपैठी जिनें अपनी पंछान जाहिर खान कन्नै कीती ऐ, ओहू कराची दा बसनीक ऐ ते उसी जम्मू शैहर दे बाहरी इलाके प्लांवाला दे खौड़ इलाके दे नियंत्रण रेखा कन्नै लगदे इक ग्रांस थमां गिरफ्तार कीता गेआ ऐ। तोआई कठुआ जिले दे अंतरराष्ट्री बन्ने दे नेडे सुरक्षाबले 5 संदिग्धे दी नकलो-हरकत दी सूह थ्होने मगरा तपाशी अभियान शुरू कीते दा ऐ।

<><><><><><>

MCC-FIR's

जम्मू-कश्मीर च चुनां प्रशासन आस्सेआ चुनांस सरबंधी दिशा-निर्देश दी लोआंगना करने दे सरबंधे च 11 एफ.आई.आर दर्ज कीतियां गेइयां ना। मुख्ब चुनां अधिकारी पी.के पोले होरे गलाया ऐ जे 16 मार्च थमां आदर्श आचार संहिता दी खिलाफवर्जी कन्नै सरबंधत 234 शकैतां मिलियां न जेदे मगरा 11 एफ.आई.आर दर्ज कीतियां गेइयां ना। सी.ई.ओ होर 80 शकैतें उप्पर नोटिस जारी कीता ते 29 शकैतें उप्पर जांच शुरू करी दिती गेई ऐ।

<><><><><><>

India-Green

भारत नै पैहली बारी विश्व हाइड्रोजन शिखर सम्मेलन 2024 च अपना मंडप स्थापित कीता ऐ जेड़ा मौजूदा समे च नीदरलैंड दे राटरडैम च चला'रदा ऐ। एहदा उद्घाटन नवीकरणीय उर्जा सचिव भूपेंद्र एस. भल्ला होरे कीता। एह हरित हाइड्रोजन दे क्षेत्र च देश दी प्रगति गी दर्शादा ऐ। शिखर सम्मेलन च विश्व भर थमां 15 ज्हार प्रतिनिधिये दे हिस्सा लैने दी मेद ऐ। भारत नै पिच्छले बरे जनवरी च अपना राष्ट्री हरित हाइड्रोजन दमिशन शुरू कीता हा तां जे भारत 2030 दे अखीर तगर 5 मिलियन मीट्रिक टन दी हरित हाईड्रोजन उत्पादन क्षमता हासल करी सकै।

<><><><><><>

MPKBY-Renewal

मुकामी प्रेस दे इक वर्ग च छपी दी हालिया रिपोर्टे उप्पर प्रतिक्रिया दिंदे होई जिला प्रशासन जम्मू नै भारत सरकार दी महिला प्रधान क्षेत्रीय बचत योजना तैहत कमम करने आहले एजेते लेई नवीनीकरण प्रक्रिया दे बारे च गलतफहमी गी स्पष्ट कीता ऐ। जिला मैजिस्ट्रेट दफ्तर नै स्टष्ट कीता ऐ जे उनें पिच्छले बरे अजे तगर हासल सबबने आवेदने गी मंजूरी देई दिती ऐ। छड़ा उनें मामले गी गै रोकेया गेआ ऐ जेडे एह स्पष्ट नेई करी सकै जे उंदा कोई नेडमां भारत सरकार दे वित्त मंत्रालय, आर्थिक मामले दे विभाग दे दिशा-निर्देशे तैहत राज्य यां केंद्र सरकार च कुसा पद उप्पर नेई ए। इस लेई एजेते बशकार बेरोजगारी दे दावे निराधार ते भ्रम फैलाने आहले ना।

<><><><><><>